



EMBASSY OF THE UNITED STATES

TIRANA • ALBANIA

VIZAT IMIGRUESE

[Dokumentacioni i Kërkuar për Aplikantët e Vizës Imigruese]

Ky udhëzues aplikohet vetëm në rastet kur ju është kërkuar të përgatisni dokumentacionin: a) nga Qendra Kombëtare e Vizave (NVC), ose b) nga Seksioni Konsullor.

a) Nëse rasti juaj ndodhet tek NVC dhe ju jeni kontaktuar nga NVC-ja, ju duhet të dërgoni FOTOKOPJE të dokumenteve pranë NVC-së. **MOS i dërgoni dokumente origjinale NVC-së!** Përrjashtim bën Garancia Financiare e petitionerit, të cilën petitioner duhet ta dërgojë në NVC në origjinal për vlerësimin fillestar, si dhe fotografitë të cilat duhen origjinale. VETËM pasi t'ju jetë caktuar data e intervistës, ju do t'i sillni dokumentet origjinale me postë të shpejtë në Seksionin Konsullor.

Pasi t'ju jetë caktuar një datë interviste nga NVC-ja, dosja juaj do dërgohet në Seksionin Konsullor, ku do shqyrtohet për dokumente që mungojnë apo që kanë skaduar. Seksioni Konsullor do ju dërgojë një mesazh (*tek e-maili që keni vendosur tek DS-260 – sigurohuni të vendosni e-mailin tuaj personal tek DS-260*) me kërkesën për të dërguar me postë të shpejtë në Seksionin Konsullor **të gjitha dokumentet origjinale**, si dhe udhëzime për të përditësuar ndonjë dokument të skaduar. Dokumentet duhet të jenë lëshuar *më pak se një vit* nga data e intervistës.

Shënim: Dështimi për të siguruar qoftë edhe një nga dokumentet e kërkuara në e-mailin e dërguar nga Seksioni Konsullor do të rezultojë në moskryerjen e intervistës në ditën e caktuar dhe vonesa të gjata. Një datë e re interviste do të caktohet vetëm pasi t'i keni sjellë të gjitha dokumentet e kërkuara. Ndaj, duhet të bëni çmos që t'i sillni të gjitha dokumentet e kërkuara në ditën e intervistës.

Kujtesë: Dokumentet civile të lëshuara më parë se një vit nga data e intervistës, apo momenti i lëshimit të vizës konsiderohen të skaduara. Nëse dokumentet janë lëshuar më shumë se një vit më parë, sillni dokumente civile të lëshuara kohët e fundit dhe/ose prova financiare si p.sh.: deklarinim e taksave të cilat mund të kenë ndryshuar që nga koha kur ju i keni dërguar ato fillimisht në NVC ose Seksionin Konsullor për shqyrtim. Sillni fotografi të re me përmasa 5 x 5 cm dhe [fletën e regjistrimit të datës së takimit](#) në ditën e intervistës.

b) Nëse kjo listë udhëzimesh ju është dërguar **nga Seksioni Konsullor, apo nëse keni marrë datën e intervistës nga NVC-ja**, ju duhet të dërgoni me postë të shpejtë dokumentet ORIGJINALE në Seksionin Konsullor së bashku me këtë listë udhëzimesh të printuar. Dokumentet duhet të jenë lëshuar *më pak se një vit* nga data e intervistës.

Dokumentacioni i Kërkuar nga secili Aplikant i Vizës Emigruese

KËTË LISTË:

Vendosni një kryq (X) në kutinë përkatëse për secilin dokument që do të dorëzoni.

PËRKTHIMI:

Nuk ka nevojë për përkthim e noterizim të dokumenteve në gjuhën shqipe të lëshuara nga autoritetet shqiptare. Vetëm dokumentet që nuk janë në gjuhën Shqipe ose Angleze duhet të përkthehen në Anglisht dhe të noterizohen. Përrjashtim bëjnë vendimet gjyqësore (si p.sh. të divorcit dhe ato që tregojnë një dënim), të cilat DUHEN përkthyer.

FORMULARI DS-260 (për secilin aplikant):

Plotësoni formularin elektronik [DS-260](#). Formulari DS-260 duhet plotësuar në të gjitha

pikat në Anglisht. Mos lini asnjë pyetje pa plotësuar. Pyetjeve që nuk aplikohen për rastin e aplikantit duhet t'i përgjigjeni me "Does Not Apply". Lexoni [Pyetje të Shtruara Shpesh](#) (në Anglisht) mbi plotësimin e formularit DS-260. Përfshini çdo emër e mbiemër të përdorur, përfshirë mbiemrin e vajzërisë, si dhe përgjigjuni PO pyetjes për vaksinimin. Përfshini numër telefoni të Shqipërisë dhe adresë e-maili të aplikantit/peticionerit në mënyrë që t'ju komunikojmë mesazhe nëse do të jetë e nevojshme. Përgjigjuni saktësisht të gjitha pyetjeve të Sigurisë dhe Historikut tuaj. Nëse juve ju ka humbur Numri Juaj i Faturës I.D. (Invoice I.D. number), ju mund të kontaktoni [NVC-në](#) për ta rimarrë atë.

GARANCIA FINANCIARE NGA PETICIONERI (për secilin peticion):

- [Formulari I-864](#) (Affidavit of Support) - Një garanci financiare origjinale (jo fotokopje, as me e-mail) për secilin peticion. Pavarësisht nëse kualifikoheni për të sponsorizuar ose jo, ju si petitioner duhet patjetër që të dorëzoni formularin I-864.
- Nëse ju jeni i/e martuar, bashkëshorti ose bashkëshortja juaj duhet **gjithashtu** të plotësojë dhe dorëzojë formularin [I-864A](#) (vini re: formulari I-864A është i ndryshëm nga I-864); fotokopje të pasaportës, ose të certifikatës së natyralizimit, ose të kartës së rezidentit të përhershëm të ligjshëm; dhe formularin W-2. Për më shumë informacion vizitoni faqen e Internetit (në Anglisht) të Departamentit Amerikan të Shtetit Byrosë së Çështjeve Konsullore "[Udhëzimet e Dëshmisë së Mbështetjes](#)".
- Fotokopje të pasaportës amerikane të petitionerit, të certifikatës së natyralizimit, ose të kartës së rezidentit të përhershëm të ligjshëm,
- Vërtetim punësimi të lëshuar muajin e fundit, i cili të përmbajë informacion se për sa kohë keni qenë të punësuar dhe rrogën tuaj,
- Fletëpagesat (pay stubs) e 6 javëve të fundit,
- Taksat e vitit të fundit (Formulari 1040), ose një transkript apo kopje të taksave ([tax return transcript](#)) të marrë direkt nga [Shërbimi i Brendshëm i të Ardhurave](#) (IRS). Ky dokument nuk duhet të jetë më i vjetër se 12 muaj kur të paraqitet në ditën e intervistës.
- Formularët W-2 të vitit të fundit për të gjitha punët,
- Nëse ju (peticioneri) nuk keni deklaruar taksat vitin e kaluar, ju duhet të përgatisni një deklaratë të nënshkruar ku shpjegoni arsyet përse nuk ju është kërkuar të deklaroni taksat (p.sh. nëse ishit student, etj).
- Certifikatë lindjeje e petitionerit (qytetarit amerikan) dhe certifikatë martese, e cila të jetë lëshuar më pak se një vit nga data e intervistës.

SPONSORI TJETËR (joint sponsor):

- Nëse të ardhurat e petitionerit janë [nën 125 përqind të nivelit të varfërisë \(poverty guideline\)](#), që vendoset çdo vit nga Departamenti Amerikan i Shërbimeve të Shëndetit dhe Njeriut, apo nëse ju nuk jeni i kualifikueshëm për të sponsorizuar financiarisht të afërmin tuaj, ju duhet të siguronit një sponsor tjetër, që të dorëzojë:
- [Formulari I-864](#) (Affidavit of Support) - Një garanci financiare origjinale (jo fotokopje, as me e-mail) për secilin peticion.
- Nëse sponsori është i/e martuar, bashkëshorti ose bashkëshortja e tij/saj duhet **gjithashtu** të plotësojë dhe dorëzojë formularin [I-864A](#) (vini re: formulari I-864A është i ndryshëm nga I-864); fotokopje të pasaportës, ose të certifikatës së natyralizimit, ose të kartës së rezidentit të përhershëm të ligjshëm; dhe formularin W-2.
- Fotokopje të pasaportës amerikane të sponsorit, ose të certifikatës së natyralizimit, ose të kartës së rezidentit të përhershëm të ligjshëm,
- Vërtetim punësimi të lëshuar muajin e fundit, i cili të përmbajë informacion se për sa kohë ka qenë i punësuar dhe rrogën e tij,
- Fletëpagesat (pay stubs) e 6 javëve të fundit,
- Taksat e vitit të fundit (Formulari 1040), ose një transkript apo kopje të taksave ([tax return transcript](#)) të marrë direkt nga [Shërbimi i Brendshëm i të Ardhurave](#) (IRS). Ky dokument nuk duhet të jetë më i vjetër se 12 muaj kur të paraqitet në ditën e intervistës.
- Formularët W-2 të vitit të fundit për të gjitha punët.

**CERTIFIKATA E LINDJES** (për secilin aplikant):

1 (një) certifikatë lindjeje në 6 gjuhë për përdorim jashtë shtetit për secilin aplikant që ka lindur në Shqipëri. Ju duhet të paraqiteni tek Zyra e Gjendjes Civile (e bashkisë, njësisë bashkiake, apo komunës) ku jeni të regjistruar dhe t'i kërkonti Certifikatë Lindjeje **për përdorim jashtë shtetit**, e cila kushton 200 lekë. Certifikata duhet të ketë statusin tuaj civil të tanishëm. Certifikata nuk duhet të lexojë Certifikatë Personale. Certifikata duhet të ketë statusin civil të tanishëm.

Nëse keni lindur jashtë Shqipërisë, duhet certifikatë lindjeje nga shteti ku ka lindur aplikanti, e përkthyer dhe noterizuar, si dhe certifikatë lindjeje nga Shqipëria. Nëse keni lindur në Greqi, lexoni paragrafin '[Dokumente të Lëshuara nga Autoritetet Greke](#)' rreth procedurës së vulës apostille dhe përkthimit zyrtar.

**CERTIFIKATA E MARTESËS** (për secilin aplikant):

1 (një) certifikatë martesë për secilin aplikant (nëse jeni të martuar). Certifikata duhet të përmbajë edhe mbiemrin tuaj para martesës.

**VENDIM I GJYKATËS PËR DIVORCIN APO CERTIFIKATË VDEKJEJE:**

Nëse keni qenë të martuar më parë, përfshini prova të përfundimit të të gjitha martesave të mëparshme, qoftë për shkak të vdekjes, apo të divorcit (si p.sh. certifikatë vdekje të bashkëshortit/es, vendimi përfundimtar i divorcit i përkthyer në anglisht, etj).

**VËRTETIM I GJENDJES GJYQËSORE NGA MINISTRIA E DREJTËSISË:**

Çdo aplikant mbi moshën 16 vjeç duhet të aplikojë për vërtetimin e Gjendjes Gjyqësore (dëshmi penaliteti) tek Posta Shqiptare. Tek formulari i aplikimit për vërtetimin e gjendjes gjyqësore që ju jep Posta, duhet të shënoni "Ambasada Amerikane" si përgjigje e pyetjes "Institucioni për të cilin kërkohet certifikata". Vërtetimi duhet t'i përfshijë të gjithë emrat dhe/apo mbiemrat e përdorur, **përfshirë mbiemrin e vajzërisë (para martesë)**.

Vërtetimet e gjendjes gjyqësore të aplikantëve për Vizë Amerikane do të dërgohen direkt në Zyrën Konsullore të Ambasadës Amerikane (gjithmonë nëse ju shënoni "për Ambasadën e SHBA-së tek aplikimi). Vetëm vërtetimet e marra direkt nga Zyra e Gjendjes Gjyqësore do të pranohen; aplikanti nuk mund të paraqesë vetë vërtetimin e gjendjes gjyqësore. Për të dëshmuar që ju keni aplikuar për dëshminë e penalitetit, duhet t'i dërgoni NVC-së (ose Seksionit Konsullor) një kopje të mandatit të arkëtimit nga Posta Shqiptare me një shënim të shkurtër në Anglisht (Receipt of Application for Albanian Ministry of Justice). **Kujdes:** Shpesh aplikantët refuzohen vetëm se ata nuk kanë përfshirë **të gjithë emrat/mbiemrat e përdorur** në vërtetim.

SHËNIM: Personat që janë dënuar për një veprë penale duhet të paraqesin vendimin e gjykatës të përkthyer e noterizuar, ku të tregohet dënimi, pavarësisht faktit nëse personi është falur, ka fituar amnistinë, apo është rehabilituar.

**REGJISTRONI DATËN E TAKIMIT DHE DEGËN E DHL-SË:**

Secili aplikant i vizës, pavarësisht moshës duhet të regjistrojë datën e takimit dhe të zgjedhë degën e DHL-së ku dëshiron t'i dorëzohet pasaporta pas përfundimit të rastit tuaj, apo të dërgoni dokumente shtesë nëse do ju kërkohet nga Seksioni Konsullor. Ndiqni këta hapa: 1) krijoni një llogari tek <https://ais.usvisa-info.com/sq-al/iv>, 2) zgjidhni "Unë kam një datë takimi për intervistë në Konsullatë nga Qendra Kombëtare e Vizave (NVC), Qendra Konsullore në Kentucky (KCC) ose Seksioni Konsullor dhe jam udhëzuar që të regjistroj takimin tim në këtë faqe interneti", pastaj 3) regjistrohuni me të dhënat tuaja. Më pas 4) zgjidhni "Duhet të regjistroj një takim për vizë imigruese që NUK është për vizë "K" (të fejuari, bashkëshorti, fëmije)". 5) Vendosni të dhënat e kërkuara dhe numrin e çështjes tuaj* dhe më pas 6) zgjidhni "Vazhdo" (me ngjyrë të gjelbër). 7) Vazhdoni me regjistrimin e korrierit të DHL-së. 8) Vazhdoni me "Përfundoni regjistrimin tuaj". 9) Printoni fletën me titull "Udhëzime" dhe dërgojeni së bashku me dokumentet e tjera. Viza juaj nuk do të lëshohet nëse nuk e sillni këtë dokument në Seksionin Konsullor.

*Nëse gjatë regjistrimit tuaj ju merrni një mesazh të tillë: "Numri i çështjes për vizë imigruese që është dhënë nuk është gati për të caktuar një takim", lutemi prisni edhe disa ditë derisa rasti juaj të jetë ngarkuar elektronikisht në faqen e internetit më sipër.

Zakonisht kjo ndodh pasi aplikanti e merr njoftimin me datën e takimit për intervistë disa ditë më përpara se dosja juaj elektronike të vijë në Seksionin Konsullor. Proveni të regjistroheni përsëri pas disa ditësh, por sigurohuni që të jeni regjistruar *përpara* datës suaj të takimit.

VËRTETIM NGA POLICIA E NJË VENDI TË HUAJ:

1 (një) vërtetim nga Policia e një vendi të huaj për personat mbi moshën 16 vjeç, të përkthyer dhe noterizuar në Anglisht, në rastet kur jetoni aktualisht dhe keni më shumë se 6 muaj në atë vend, ose në rastet kur keni jetuar më parë më shumë se një vit. Në rastet kur keni përdorur më shumë se një emër apo mbiemër vërtetimi duhet t'i përfshijë të gjithë emrat dhe/apo mbiemrat e përdorur, përfshirë mbiemrin e vazhdisë. Për më tepër informacion, vizitoni faqen e Internetit (në Anglisht) të Departamentit Amerikan të Shtetit Byrosë së Çështjeve Konsullore "[Dokumentacioni që Aplikanti Duhet të Dërgojë në NVC](#)".

Vërtetimi i Policisë Greke: Lexoni paragrafin '[Dokumente të Lëshuara nga Autoritetet Greke](#)' për informacion të detajuar.

Kujdes: Shpesh aplikantët refuzohen vetëm se ata nuk kanë përfshirë të gjithë emrat/mbiemrat e përdorur në vërtetim.

VËRTETIM USHTARAK:

1 (një) vërtetim ushtarak për të gjithë aplikantët meshkuj 18 vjeç e lart, pavarësisht nëse e keni kryer apo jo shërbimin ushtarak; si dhe për aplikantet femra që kanë kryer shërbim të mëparshëm ushtarak. Ju duhet të aplikoni tek Posta Shqiptare për të marrë këtë vërtetim.

DOKUMENTE TË TJERA CIVILE:

Vendime të lëshuara nga autoriteti shtetëror përgjegjës në lidhje me ndryshimin e emrit/mbiemrit, moshës, birësimit, apo rasteve të ngjashme.

Certifikatë origjinale të lindjes nga vendi i huaj, i përkthyer e noterizuar. Nëse keni lindur në Greqi, lexoni paragrafin '[Dokumente të Lëshuara nga Autoritetet Greke](#)' për informacion të detajuar.

FOTOGRAFIA:

Pavarësisht nga moshja, të gjithë aplikantët e vizave emigruese për në SHBA, duhet të paraqesin dy fotografi me ngjyra, të papërpunuara me programe kompjuterike, me përmasa 5 cm x 5 cm, me sfond të bardhë. Shkruani emër, mbiemër e numrin e rastit nga prapa fotografisë. Fotografia duhet të ketë një pamje frontale, me kokën në qendër të fotografisë. Për më shumë detaje, vizitoni faqen e Internetit (në Anglisht) të Departamentit Amerikan të Shtetit Byrosë së Çështjeve Konsullore "[Kërkesat e Fotografisë](#)". Në qoftë se kërkesat nuk plotësohen, fotografia nuk do të pranohet. Fotografia duhet të jetë njëzërisht gjashtë muajt e fundit.

FOTOKOPJA E PASAPORTËS:

Një fotokopje e faqes me të dhënat biometrike, pavarësisht moshës. Pasaporta e aplikantit duhet të jetë e vlefshme për udhëtim dhe duhet të ketë të paktën një vit vlefshmëri përtej datës së lëshimit të vizës. Ju duhet të paraqisni pasaportën tuaj në datën e intervistës. Pasaporta duhet të përmbajë emrin e mbiemrin tuaj të përditësuar (*p.sh.: për rastet e aplikanteve të sapomartuara*).

PROVA TË LIDHJES SUAJ me të bashkëshortin/en qytetar amerikan (për peticionet CR-1, F2A dhe IR-1). Fakte dhe prova që tregojnë lidhjen tuaj me peticionerin, si p.sh. fotografi, korrespondencë, telefonata, që tregojnë qartazi peticionerin dhe aplikantin e vizës; ose prova të tjera që tregojnë lidhjen tuaj përgjatë kohës. Prova që tregojnë që peticioneri ka vizituar Shqipërinë, si p.sh. biletat e avionit apo edhe rezervimet. USB-të apo DVD-të NUK pranohen dhe do të asgjësohen nëse i dërgoni. Për shkak të volumit, këto prova të lidhjes duhet t'i sillni në ditën e intervistës suaj.

DOKUMENTE TË LËSHUARA NGA AUTORITETET GREKE:

- Certifikatat e Lindjes dhe Vendimet Gjyqësore:** duhet të kenë vulën apostille, si dhe të jenë të përkthyer në Anglisht nga [Zyra e Përkthimeve e](#)

[Ministrisë së Punëve të Jashtme të Greqisë.](#)

- Vërtetimi nga policia greke:** Aplikantët duhet të aplikojnë tek Zyra e e Gjendjes Gjyqësore për të Huajt (Ipiresia Pinikou Mitroou allodapon), Mesogion 96, 101 79 Athinë, Greqi, tel. (+30) 210776-7300, 210776-7185, 210776-7186, & 210776-7043. Lutemi mos kontaktoni Ambasadën Greke në Tiranë për vërtetimin e policisë greke. Vërtetimi duhet të përmbajë të gjithë emrat/mbiemrat e përdorur dhe duhet të legalizohet me vulën apostille dhe të jetë i përkthyer në Anglisht nga [Zyra e Përkthimeve e Ministrisë së Punëve të Jashtme të Greqisë.](#)

SKADIMI I DOKUMENTEVE:

Të gjitha dokumentet duhet të jenë marrë nga zyrat përkatëse jo më parë se një vit nga data e intervistës. Përndryshe, rasti juaj do të refuzohet derisa ju të sillni dokumentet e përditësuara. Kjo do të krijojë vonesa të gjata në shqyrtimin e çështjes suaj.

Shqyrtimi i Vizave Emigruese

Pas marrjes së aplikimit (peticionit) për vizë emigruese, ai do të rishikohet nga NVC. Nëse dokumentacioni është i plotë, NVC-ja do të caktojë një datë takimi dhe do të njoftojë peticionerin apo aplikantin nëpërmjet një letre me datën tuaj të takimit për intervistë. Letra e datës së intervistës mund të dërgohet nëpërmjet e-mailit, postës, apo shërbimit UPS.

Para Intervistës

VIZITA MJEKËSORE:

Secili aplikant, pavarësisht moshës, duhet t'i nënshtrohet vizitës mjekësore, e cila kryhet vetëm nga mjekët e autorizuar nga Seksioni Konsullor i Ambasadës Amerikane, në Tiranë. Ju duhet të shkarkoni e të lexoni me kujdes [Udhëzimet Mjekësore](#), ta plotësoni atë dhe t'ia dërgoni mjekut të autorizuar formularin e aplikimit për vizitën mjekësore në formatin excel **fiks tre javë përpara datës** së intervistës (*përjashtim bëjnë rastet kur jeni udhëzuar specifikisht nga Seksioni Konsullor të paraqiteni edhe pa datë interviste tek mjeku*). Paraqitini mjekut të autorizuar një kopje të fletës së takimit për vizë. Aplikanti është gjithashtu përgjegjës për pagesën e tarifës së ekzaminimit nga mjekët.

Mos e sillni CD-në e Rrezeve X në Seksionin Konsullor. Lexoni më poshtë nën Paragrafin "Pasi të Keni Marrë Pasaportën dhe Paketën e Vizës" të këtij udhëzimi në lidhje me CD-në e rrezeve X.

Formularin e Vizitës Mjekësore mund ta gjeni në faqen e Internetit (në Anglisht) të Departamentit Amerikan të Shtetit Byrosë së Çështjeve Konsullore "[Përgatitja për Intervistë – Vizita Mjekësore](#)". Kërkoni për TIA –Tirana dhe ju do të shkarkoni formularin e vizitës mjekësore.

Shënim: Data e skadimit të vizës suaj do të kushtëzohet nga data e skadimit të raportit mjekësor. Formularët mjekësorë të klasifikuar si Class B (TB) janë të vlefshme për 3 muaj nga data që e firmos mjeku. Të gjithë formularët e tjerë të klasifikuar si "Nuk ka sëmundje të dukshme" janë të vlefshëm për 6 muaj nga data që e firmos mjeku. Nëse rasti juaj kalon për proces administrativ të mëtejshëm, apo shqyrtimi i rastit tuaj vonohet për shkak të dokumenteve që mungojnë, raporti mjekësor mund të skadojë përpara se viza të lëshohet. Në këtë rast, juve do ju kërkohet të kryeni edhe njëherë vizitën mjekësore dhe ta dërgoni zarfin mjekësor në Seksionin Konsullor përpara se ju të merrni vizën tuaj.

APLIKANTI PËR VIZË të kategorive CR1, IR1, F21, C21, FX1 ose CX1 duhet të lexojë [Informacionin për të Drejtat Ligjore në dispozicion të Imigrantëve Viktima të Dhunës Familjare](#) (PDF 137.20 KB) në Shtetet e Bashkuara dhe Fakte rreth Imigrimit bazuar në Vizën e Martesës.

SIGURIA: Pajisjet elektronike të çfarëdo lloji nuk lejohen brenda Ambasadës Amerikane, duke përfshirë telefonat celularë, kamera, pajisje regjistrimi, elektronike, kompjuter, canta apo bagazh. Aplikantët nuk mund të sjellin armë, lëngje apo objekte nën presion (të tilla si Hairspray ose deodorant).

Çfarë duhet të sillni me vete ditën e intervistës (ose me DHL mbi 2 javë para datës së intervistës):

- Letrën e datës së takimit që keni marrë nga NVC;
- Zarfin e Vizitës Mjekësore të pahapur (*vetëm nëse e keni marrë nga mjeku*);
- Fotografii të re, të nxjerrë brenda 6 muajve të fundit;
- Dokumentet civile të lëshuara më parë se një vit konsiderohen si të skaduara. Nëse dokumentet janë lëshuar më shumë se një vit më parë, sillni dokumente civile të lëshuara kohët e fundit

dhe/ose prova financiare si p.sh.: deklarimin e taksave të cilat mund të kenë ndryshuar që nga koha kur ju i keni dërguar ato fillimisht në NVC për shqyrtim.

- Nëse një sponsor ka dorëzuar formularin I-864, Garancia Financiare, DHE ka dërguar pranë NVC-së evidencë të Kërkesës për Shtyrjen e Afatit të Deklarimit të të Ardhurave (IRS Federal Income Tax Extension) në vend të Taksave të të Ardhurave Federale, aplikanti duhet të sjellë taksat federale të vitit më të fundit në ditën e intervistës.
- Fletën e regjistrimit për DHL;
- Çdo dokument që mund t'ju jetë kërkuar nga Seksioni Konsullor.

Intervista

TARIFA E APLIKIMIT: Lutemi ndiqni udhëzimet në faqen e Internetit (në Anglisht) të Departamentit Amerikan të Shtetit Byrosë së Çështjeve Konsullore "[Tarifat për Shërbimet e Vizave](#)". Nëse petitioner i e ka kryer pagesën nëpërmjet NVC-së për ju, atëherë ju nuk do të keni nevojë të paguani në Seksionin Konsullor. Nëse jo, juve do t'ju kërkohej të kryeni pagesën ditën e intervistës. Kjo pagesë kryhet **vetëm** tek arkëtari i Seksionit Konsullor të Ambasadës Amerikane në Tiranë, vetëm me para në dorë në Dollarë ose Lekë.

Datat e takimit për intervistë caktohen nga NVC-ja dhe njoftimi për datën e intervistës ju vjen nga NVC-ja. Vetëm në raste të rralla data e takimit mund të caktohet nga Seksioni Konsullor i Ambasadës Amerikane në Tiranë.

Ju mund të shikoni statusin e rastit të vizës tuaj (në Anglisht) në: <https://ceac.state.gov/CEAC/>. Çfarë ju duhet juve është numri i rastit tuaj dhe vendi ku është kryer intervista (p.sh. Tiranë), për të monitoruar progresin e rastit tuaj.

Pas Intervistës

Pas intervistës suaj me Oficerin Konsullor, nëse dosja juaj është e plotë dhe ju të gjendeni të kualifikuar për vizën, viza juaj do të lëshohet dhe do t'ju dërgohet së bashku me paketën e vizës me anë të shërbimit postar DHL në zyrën që ju keni zgjedhur kur u regjistruat për këtë shërbim. Ju do të njoftoheni nga DHL-ja me e-mail për të tërhequr pasaportën dhe paketën e vizës suaj të emigrimit. E rëndësishme: Ju lutemi **mos e hapni zarfin e vulosur nga Ambasada** që ka paketën e vizës së emigrimit, përndryshe ai zarf bëhet i pavlefshëm.

Shënim: nëse ju nuk e keni marrë pasaportën me vizë brenda 15 ditëve pune nga data kur është dorëzuar tek ne për lëshimin e vizës, ju mund të kontaktoni zyrën tonë në TiranaUSConsulate@state.gov

Disa raste të aplikimeve për vizë mund të kërkojnë: a) dokumente shtesë, ose b) [proces të mëtejshëm administrativ](#).

- a) Kur ju kërkohej dokumente shtesë, Oficeri Konsullor do ju japë një fletë refuzimi ku shpjegohen dokumentet e kërkuara. Pikat e shënuara me kryq aplikohen për rastin tuaj. Vini re që në atë letër Oficeri Konsullor, përveç gjuhës shqipe ku renditen dokumentet e kërkuara nga ju, mund të përdorë edhe gjuhën angleze për të shpjeguar dokumentet e kërkuara nga sponsori në SHBA. Ndaj, ju duhet t'ia dërgoni një kopje të letrës së refuzimit me faks apo email petitionerit në SHBA. Këshillohet që t'i dërgoni të gjitha dokumentet e kërkuara njëherazi, pasi dërgimi i dokumenteve jo të plota do të vonojë rastin tuaj.
- b) Procesi i mëtejshëm administrativ kërkon kohë shtesë pas intervistimit së aplikantit nga Oficeri Konsullor. Aplikantëve u bëhet me dije kjo kërkesë ditën kur ata aplikojnë. Shumica e proceseve administrative zgjidhet brenda 60 ditëve nga dita e intervistës. Përpara se të kontaktojnë Zyrën Konsullore rreth statusit të procesit administrativ, aplikantët apo përfaqësuesit e tyre do të duhet të presin të paktën 60 ditë nga data e intervistës, apo nga data e dorëzimit të dokumenteve shtesë, në varësi se cila datë është më vonë. Nëse një proces administrativ është i nevojshëm, kohëzgjatja mund të ndryshojë sipas rrethanave individuale të çdo rasti.

Shumë e Rëndësishme

Asnjë lloj garancie nuk mund t'ju jepet paraprakisht lidhur me lëshimin e vizës. Vetëm oficeri konsullor mund të marrë një vendim pasi të ketë shqyrtuar të gjithë aplikimin tuaj zyrtar dhe t'ju ketë intervistuar personalisht.

Ju këshillojmë që të mos të mos shisni shtëpinë, makinën apo pronën, të mos lini punën dhe të mos blini biletën derisa të keni marrë në dorë pasaportën me vizë. Kjo zyrë do të bëjë çdo përpjekje që të përshpejtojë procesin. Gjithsesi, nëse do të jetë e nevojshme, aplikantëve mund t'u kërkohej të kthehen në Seksionin Konsullor edhe një herë, apo të dërgojnë informacion apo dokumentacion shtesë me postë.

Sipas nenit 203(g) të Aktit Amerikan të Emigracionit dhe Kombësisë (INA) kërkohet që emigranti i ardhshëm ta ndjekë aplikimin e tij për vizë brenda *një viti* nga data që është informuar për të bërë një gjë të tillë. Nëse ju nuk e ndiqni procesin brenda vitit, atëherë kërkesa juaj për vizë, si dhe çdo lloj peticioni lidhur me vizën, anulohet.

Aprovimi i Vizës - Pasi të Keni Marrë Vizën

Pasaporta me Vizë – Viza juaj emigruese do vendoset në pasaportën tuaj. Kontrolloni të dhënat tuaja në vizë për ndonjë pasaktësi të mundshme. Nëse vëreni ndonjë gabim në vizë, duhet të kontaktoni Seksionin Konsullor me anë të emailit në TiranaUSConsulate@state.gov, ku të shpjegoni gabimin në vizë.

Paketa Emigruese e Vulosur (zarfi ngjyrë kafe) – Ju do të merrni gjithashtu një zarf të vulosur, i cili ka dokumentacionin tuaj, dhe që ju do e dorëzoni personelit të Doganave dhe Mbrojtjes së Kufijve të SHBA-së në pikën e hyrjes (në aeroport) sapo të mbërrini në SHBA. Ju NUK duhet ta hapni zarfin e vulosur nga Ambasada që mban paketën tuaj të emigrimit. Ky zarf duhet të mbahet në një bagazh dore së bashku me CD-në e rrezeve X.

Tarifa e Pagesës së Vizës Emigruese për Shërbimet e Shtetësisë dhe Emigracionit të Shteteve të Bashkuara (USCIS) - Duke filluar nga data 1 Shkurt 2013, secili individ, të cilit i është lëshuar një vizë emigruese për në SH.B.A., do të duhet të paguajë tarifën e Vizës së Emigrimit për Shërbimet e Shtetësisë dhe Emigracionit të Shteteve të Bashkuara (USCIS) prej 165 Dollarësh Amerikanë përpara se të udhëtojë për në SHBA. Në zarfin e DHL mbi paketën e vizës ju do të merrni udhëzimet e duhura se si të kryeni pagesën. [Faqja e internetit të USCIS](#) (në Anglisht) ka më tepër detaje për tarifën e re, përfshirë edhe informacion kontakti për USCIS, nëse keni pyetje të mëtejshme. **Njoftim i Rëndësishëm:** USCIS nuk do ju lëshojë Green Card derisa ju të keni paguar këtë tarifë.

Kur Duhet të Udhëtoni – Ju duhet të mbërrini dhe të aplikoni për praninë në SHBA përpara se të skadojë viza juaj, pasi ju mund të humbini statusin tuaj. Viza në pasaportë është zakonisht e vlefshme për rreth 6 muaj, përveç rasteve kur vizita mjekësore skadon më shpejt, e cila bën që edhe viza të kufizohet sipas datës së skadimit të vizitës mjekësore. Viza juaj nuk mund të shtyhet përtej datës së skadimit dhe tarifave e paguara për të janë të pakthyeshme. Nëse për çfarëdo arsye ju nuk mund ta përdorni vizën, ju lutemi kthejeni atë në konsullatë. Një vizë mund t'ju jepet përsëri vetëm nëse ju do të vërtetoni se e keni patur të pamundur të udhëtoni për në SHBA për arsye që nuk vareshin nga ju. Mos dilni nga SHBA pa marrë më parë Green Card.

Udhëtimi për në SHBA – Kur të udhëtoni për në SHBA, aplikanti kryesor duhet të hyjë ose përpara ose në të njëjtën kohë me anëtarët e tjerë të familjes (pra, anëtarët e familjes, të cilëve u është lëshuar një vizë bazuar në rastin e aplikantit kryesor, nuk udhëtojnë dot përpara aplikantit kryesor). Fëmijët që mbushin 21 vjeç pas datës së intervistës duhet të hyjnë në Shtetet e Bashkuara përpara se të mbushin moshën, në të kundërt humbasin statusin. Me vizën tuaj (të paskaduar) dhe paketën e vizës, ju do të udhëtoni dhe mbërrini në pikën e hyrjes (zakonisht aeroport) dhe do të kërkonte leje për të hyrë në SHBA.

Formulari I-551, Karta e Banorit të Përhershëm, apo Karta Jeshile, do të postohet në adresën në SHBA që ju keni paraqitur në dokumente gjatë intervistës. Ky është një dokument shumë i rëndësishëm, që do të shërbejë për të vërtetuar që ju keni leje për banim të përhershëm dhe ju jep mundësinë të qëndroni dhe të hyni në SHBA pa vizë. Lexoni më poshtë paragrafin "Mirësevini në Amerikë" për më shumë informacion.

Vaksinat: Fëmijët janë të detyruar të kenë disa vakcina të kryera përpara se të mund të regjistrohen në shkollë. Ndaj rekomandohet të keni me vete kopjen e vaksinave që ju dha mjeku gjatë vizitës mjekësore. Mësoni rreth kërkesave për vakcina të kërkuara sipas shteteve në faqen e internetit të [Qendrës për Kontrollin dhe Parandalimin e Sëmundjeve](#) të Departamentit të Shëndetit dhe Shërbimeve Njerëzore.

PËR EMIGRANTËT E RINJ: MIRËSEVINI NË AMERIKË

Lutemi të vizitoni guidën në faqen e Internetit (në Anglisht) të Shërbimeve Amerikane të Shtetësisë dhe Emigracionit (USCIS) "[Mirësevini në Shtetet e Bashkuara: Një Guidë për Emigrantët e Rinj](#)" dhe në adresën [Welcome To USA](#).

Pasi t'ju jetë lëshuar Karta juaj e Rezidentit të Përhershëm, ju duhet të qëndroni jashtë SHBA-së **më pak sesa një vit**, përndryshe do të humbini statusin e Rezidentit të Përhershëm Ligjor. Për më tepër informacion rreth të drejtave dhe përgjegjësisë të Rezidentëve të Përhershëm Ligjorë (ose me Green Card), lexoni në faqen e internetit të USCIS: [Ruajtja e Statusit të Rezidentit të Përhershëm](#), si dhe udhëzuesin e USCIS, në Anglisht: "[Unë jam një Banor i Përhershëm. Si të Marr Vesh... Cilat Janë Përgjegjësitë e Mia?](#)" (PDF 1.19 MB), and "[Si të Marr një Leje Rihyrëse?](#)" (PDF 1.18 MB).

Nëse keni pyetje lidhur me kartën ose nuk e merrni atë brenda një periudhe të caktuar, ju lutemi të kontaktoni me [zyrën e USCIS](#) pranë shtetit ku banoni në SHBA.



P A R A L A J M Ě R I M

MASHTRIMI ME VIZAT ĚSHTĚ NJĚ KRIM I RĚNDĚ. PĚRPJEKJET PĚR TĚ KEQPREZANTUAR NJĚ FAKT MATERIAL, APO PĚR TĚ MASHTRUAR OFICERIN KONSULLOR, MUND TĚ RREZIKOJNĚ APLIKIMIN AKTUAL APO TĚ ARDHSHĚM PĚR VIZĚ.

VĚRTETIM: Me anĚ tĚ kĚsaj unĚ vĚrtetoj se i kam lexuar udhĚzimet e mĚsipĚrme dhe qĚ e kam tĚ gjithĚ dokumentacionin e shĚnuar me "X" dhe jam i pĚrgatitur pĚr tĚ paraqitur ato nĚ kohĚn e intervistĚs (ose qĚ i kam dĚrguar me anĚ tĚ DHL-sĚ mbi dy javĚ para datĚs sĚ intervistĚs) sĚ bashku me kĚtĚ listĚ udhĚzimesh.

(NĚnshkrimi i Aplikantit)

(Data)

(Emri i Aplikantit)